

Enformaziuns y Comunicaziuns

Consëi de Ploania - mūdaziuns empurtantes

Le Consëi de Ploania á albū sontada ai 4 d'otober. Deache le Ploan nō signor Klaus mēss fistidié de 4 cōres, sarál valgūnes mūdaziuns, ch'i oressun tló comuniché:

Mēsses: Con i 14 de otober piarál ia valgūnes mūdaziuns tal orar dles mēsses: al tomará demez la mēssa dal dedemesaledema sēra - dé che le ploan á lēde - y porchēl gnará la mēssa dal lōnesc tignida ales 18:00 y nia plū da doman. I Rorati d'Advēnt gnará dic lōnesc, dedemesaledema, vëndres y sabeda. La domēgna n'él nia Rorate, mo mēssa da festa por la comunité.

Bati: I Bati gnará tignis ōna na domēgna vigne dui mēnsc. Por en iade él gnū fissé cōstes dates: 3 de novēمبر, 5 de jená 2020, 1. de merz, 3 de ma y 5 de messé.

Orar d'ofize: Le ploan é a desposiziun te so ofize le lōnesc dales 8:00 ales 9:00 da doman. Deache le ploan á 4 cōres, vál debojūgn da chirí voluntars co dēida. Al vën ince ponsé a voluntars por tó sō les mēsses, scrí fora i registri de calogna y d'ater.

Mēmbri nōs: Forzes nees por le Consëi de Ploania. Pla ultima sontada á tut pert le prōm iade Christian Ferdigg, pla proscima gnarál pormez Chiara Marcocci.

Ministronc/1: Dai 24 ai 27 de forá 2020 ará i minis nasciūs cina ai 31.12.2009 la poscibilité da jí a Roma. Düc i geniturs enteressés é bel enviés a na sēra d'enformaziun, en vëndres ai 18 d'otober ales 20:00, te salf de calogna.

Ministronc/2: En vëndres ai 18 d'otober sarál la prōma proa da sorví por i minis nōs. An s'encunta ales 16:00 te dljija. Düc chi co oress mēter man da sorví é bel enviés.

Oies: Al vën recordé che al é sō Oies vigne vëndres dales 16:30 ales 18:00 la poscibilité da se pissié o se baié fora con en preo. Ai 18 d'otober él signor Heinrich Ellecosta, ai 25 signor Franz Sottara y ai 8 de novēمبر signor Heinrich Perathoner.

Gran Chidlada: En domēgna ai 10 de novēمبر ta Runcac, con scudres da 4 porsones; por uniuns, dites, istituziuns, classes dal comun de Mareo. Iscriziuns fina ai 08.11. te bar dla chidlara a Runcac, por 60,00€ a squadra (da paié danfora). Le davagn jará eniann por la Musiga d'Al Plan.

Grup jonil Crusc Blancia: Aste danter 14 y 18 agn y oresste fá pert d'en bel grup de jogn y emparé les fondamontes dal prōm aiüt? Spo ví ince tō pal grup jonil dla Crusc Blancia de Mareo. Infos y iscriziuns al 349 3374732 o por mail: vigil.sl@wk-cb.bz.it

Referat/1: La Portina por la cura y assistonza dla Val Badia enviēia a na encuntada sōle tema dla demēnza y co se comporté con porsones co á la maratia. En dedolōnesc ai 15 d'otober dales 18:00 ales 20:00, te Ciasa de Palsa. Referēnta Cinzia Siviero.

Referat/2: Domisdé d'enformaziun sōn le fond sanitar integratif por i dependonc publics Sanipro. En jōbia ai 17.10.2019 ales 15.00, te Ciasa de Palsa. La encuntada é por dependonc publics de dōta la valada. Referēnt é le colaboradu Michael Tappeiner.



Plata dla Ploania Al Plan de Mareo San Vighile

Ploan: Signor Klaus Sottas
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

13.10.2019 - 28. Domēgna dal Ann Liturgich

nr. 46

Tōa fede t'á salvé!

Dal Vagnele do San Luca 17, 11-19

¹¹Sōle tru da jí a Ierusalem é Gejú passé por le raiun de confin dla Samaria y dla Galilea. ¹²Canch'al orea jí t'en paisc, ti él gnū diesc levrusc adencuntra. Ai é stés chic dalunc ¹³y scraia: Gejú, maester, mēnete picé de nos! ¹⁴Canch'al i â odū, ti ál dit: Jide, mostresse ai prei! Y dertan ch'ai jea dai prei, éσαι gnūs nēc. ¹⁵Mo önn de chi á dé ota, do ch'al á odū ch'al ea varí; y al laldá Idio con usc sterscia. ¹⁶Al s'á peté jō ia por tera dan i pīsc de Gejú y l'á rengrazié. Cōsc él ea da Samaria. ¹⁷Danló á Gejú dit: Ai é pō gnūs nēc düc diesc. Olá é pa i atrí nō? ¹⁸N'él sté degūgn co á dé ota por onoré Idio, ater co cōsc forest? ¹⁹Y al ti á dit: Lea sō y vá! Tōa fede t'á salvé. **Parora dal Signur!**



Edema dla Fede „Daorí edli y cōr ala fede“, 19 - 26 d'otober

Sabeda 19.10. ales 20:00 te salf dles manifestaziuns da San Ciascian

Festa de adoraziun con en grup de jogn da Verona: Daorida dla edema dla fede con na sēra particolare, ponsada dandadōt por jones y jogn y düc chi co á enteres.

Domēgna 20.10. te vigne ploania

Gran mēssa - Dé de fede tla comunité de ploania

Lōnesc 21.10. ales 20:00 te salf dles manifestaziuns d'Al Plan:

„lu crēii te Dio, Pere onipotēt, Creatur dal Cí y dla tera“: Sēra con dias sōla natōra y ponsiers dai salms.

Dedolōnesc 22.10. ales 20:00 tla Ciasa J.B. Runcher a San Linert

„La familia aldédancō - na odlada ala realté con speranza por le dagní“, con Johanna Brunner, direturia dal ofize diozejan familia y matrimone

Dedemesaledema 23.10. ales 20:00, te Istitut Ladin a San Martin

„lu crēii tal Spirit Sant, co dá forza da vire“, con signor Ulrich Fistill sōle tema: Le wellness dla Fede, co dá spirit y vita

Vëndres 25.10. te vigne ploania

„lu crēii te Gejú Crist, Idio con nos“. Ora de adoraziun tla comunité de Ploania

Sabeda 26.10. sō Oies: Dé dles misciuns - Festa dla fede

Conclujiun dla Edema y pelegrinaje diozejan. Ales 14:30 Prozesciun con Les Staziuns da San Linert cina sō Oies; ales 16:00 Santa Mēssa con le Vēscō Ivo Muser y i pelegrins.

| Edema liturgica dai 13.10. ai 20.10.2019 | | |
|--|---|--|
| DOM 13. | 28. domegna ia por l'ann | <i>Eduard, Andreas L., Aurelia</i> |
| 08:30 | <i>s.m. a La Pli</i> | |
| 09:30 | Corona | |
| 10:00 | Gran messa por döta la ploania | <i>oferta por i debojügnis dla ploania</i> |
| | S.M. por +nt Paul Pitscheider, Ciasé | |
| | S.M. por +nt Markus Videsott | |
| | S.M. por +nt Kastlunger Pire, dal Medo | |
| Lön 14. | <i>Calist I., Burkhard, Alan</i> | |
| N.B.18:00 | S.M. por +nt Vigile Obojes, Craizer | |
| | S.M. por +nc' Angelo y Mina Taibon | |
| | S.M. por +nt Paul Trebo dal Sauter | |
| | S.M. por +nta Angela Terrabona | |
| | S.M. por les Püres Animes | |
| Ded 15. | <i>Tarejia de Gejú (d'Avila), Aurelia</i> | |
| 19:30 | Corona dô intenziun | |
| Dem 16. | <i>Margareta Maria Alacoque,, Hedwig da Andechs</i> | |
| | Degüna S.M. – Vijita personala te dlijia y cortina | |
| Jöb 17. | <i>Ignaze d'Antiochia, Anselmo</i> | |
| | Vijita personala te dlijia y cortina | |
| Ven 18. | fiesta de San Lúca evangelist, Pire da Alcantra | |
| 07:10 | S.M. por +nc' Rosa y Pire Willeit da Sach | |
| | S.M. por +nta Paula Agreiter – Kastlunger dal Medo | |
| | S.M. por +nc' Pisching de Candido | |
| | S.M. por +nc' Taibon Pepi y Anna | |
| | S.M. por +nt Hans Leimegger | |
| 18:00 | Corona ete dal Ciüch | |
| Sab 19. | <i>Jean de Brébeuf y Isaak Jogues, Paul dla Crusc</i> | |
| 17:30 | Corona | |
| 18:00 | S.M. 1. aniv. por +nt Marino Punturieri | |
| | S.M. por +nt Guido Rindler de Pal | |
| | S.M. por +nc' de Piazza Albin y Maria Teresa | |
| | S.M. por Fam. Erardi Oswald y Christine | |
| DOM 20. | 29. domëgna ia por l'ann | <i>Wendelin, Vitalis, Johanna</i> |
| | DOMËGNA DLA DLIJIA UNIVERSALA | |
| 08:30 | <i>s.m. a La Pli</i> | |
| 9:30 | Corona | |
| 10:00 | Gran Messa por döta la ploania | <i>oferta por les Misciuns</i> |
| | S.M. por +nc' Erlacher Marta y Tone, Corcela | |
| | S.M. por +nta Klara Hochwieser, Socherle | |
| | S.M. por +nt Albert Mutschlechner dal Pech | |

Ponsier dla Domëgna

Le rengrazié porta le bun da ennier tal dagní. (*Arno Backhaus*)

Ma önn é gnü derevers ...

Ma önn dai diesc varís “é gnü derevres y á laldé Chël Bel Dio con alta usc.”
Le rengrazié é na manira fundamentala dai cristians. La fede mët man enló, olache i gnun fora de nosta spensieratëza y i odun ete, che döt é na scincunda y che i podun pié do i valurs dla víta: la pesc, l'amur, la comunité, la víta do la mort - ma desco scincunda.

Döt cösc ne podunse nia arjunje da susc- i sciafiun ma da le tó sö desco scincunda. Empormó canche i án pordü cösc, s'entenunse tan püri, dla meseria ch'i sun, ince sce an podëss nes empormëte döt cant l'ater.
“Chi co rengraziëia, se frëma, mët ete la retromarcia; chël vëiga ete, che nia n'é logic, de ci che al á, ci che al é, de ci y por ci che al vir.” (*Dorothee Sölle*)
Al é na scincunda de tóa grazia, che i rengraziun. Nos cristians dijun ala mëssa “Eucharistia”, co significhëia: festa dal rengraziamont. Dal rengraziamont de döta l'edema vëgnel la festa de rengraziamont dla domëgna. (*Sb*)

Deike



I periu:

Signur, nosc Bun Pere,
i te rengraziun por döt
ci che te nes dás de por de.
Dëidesse ester porones responsables
y reconscientes.
Por Crist, nosc Signur.

Benedisciun da nes tó do

Vá sëgn con la pesc te to cör,
y vá con la sogürté
che Chël Bel Dio
é por te “pere” y “oma”
vá tla forza che tö pos ester pan
por les porones che t'encuntes.
Vá sëgn,
y lásce te abracé dal Pere.



Finde die acht Fehler!

Sorvisc dai Ministronc

Lönesc 14/10 (18:00h), Vëndres 18/10 (07:10h): Marco Alberti, Emanuel Frenademetz;

Sabeda 19/10 (18:00h): Giada, Ginevra y Giulio Regis, Jan Ties, Paul Trebo, Philip y Thomas Palfrader;

Domëgna 20/10 (10:00h) Segra de düc: Sofia Castlunger, Emma Daverda, Elisa Frenademetz, Claudia y Susan Kaneider, Mattia Leggio, Jan Paul Promberger, Isabel Ties, Caspar y Pia Videsott;

N. B.: Düc i ministronc é entres begnodüs da gní a sorví, ince sce ai n'é nia scric sö!

